



Broj: 04-GV-04-1116/24
Sarajevo, 18.09.2024. godine

ZAPISNIK O RADU
30. SJEDNICE KOMISIJE ZA DRUGOSTEPENO
UPRAVNO RJEŠAVANJE
održane 18.09.2024. godine

Prisutni:

1. Tarik Kapur, predsjedavajući
2. Sanela Halać, zamjenica predsjedavajućeg
3. Nina Šantić, članica
4. Amina Suljagić, članica
5. Emsel Krupalija, član

Odsutni: Damir Beglerović, član (najavljen izostanak), Željko Vukša Fezjić, član

Sjednici iz Stručne službe za poslove Gradskog vijeća Grada Sarajeva prisustvuje:

- Mirjana Đanović Stanić, rukovodilac Stručne službe za poslove Gradskog vijeća

Predsjedavajući Komisije je u 15.15 sati otvorio sjednicu, pozdravio prisutne, utvrdio kvorum za rad i odlučivanje.

Sjednica je započela razmatranjem i jednoglasnim usvajanjem Zapisnika o radu 29. sjednice Komisije za drugostepeno upravno rješavanje održane 13.06.2023. godine.

Na prijedlog Predsjedavajućeg, jednoglasno je usvojen sljedeći **dnevni red**:

1. Predlaganje tema za Nacrt Programa rada Gradskog vijeća Grada Sarajeva za 2025. godinu
2. Tekuća pitanja

TAČKA 1.

Predlaganje tema za Nacrt Programa rada Gradskog vijeća Grada Sarajeva za 2025. godinu

Uvodno izlaganje podnijela je Mirjana Đanović Stanić, rukovodilac Stručna službe za poslove Gradskog vijeća.

Poslije uvodnog izlaganja, te sažetka Predsjedavajućeg, Komisija za drugostepeno upravno rješavanje je jednoglasno usvojila sljedeće zaključak:

Komisija za drugostepeno upravno rješavanje konstatuje da nema prijedloga za Nacrt Programa rada Gradskog vijeća Grada Sarajeva za 2025. godinu, te da će eventualne prijedloge iznijeti prilikom razmatranja Nacrta Programa rada Gradskog vijeća Grada Sarajeva za 2025. godinu.



TAČKA 2.

Tekuća pitanja

Poslije rasprave te sažetka Predsjedavajućeg, Komisija za drugostepeno upravno rješavanje je jednoglasno donijela sljedeći **zaključak**:

Komisija za drugostepeno upravno rješavanje ponovo dostavlja **zaključke** usvojene na prethodnim sjednicama Komisije, **i to**:

- „Komisija za drugostepeno upravno rješavanje sugeriše Gradonačelnici da razmotri odredbe Pravilnika o visini naknade i načinu plaćanja za korištenja uređenih korita i obala vodotoka na području grada Sarajeva za 2022. godinu („Službene novine Kantona Sarajevo“, broj 2/22), a posebno one koji se odnose na kriterije za izdavanje odobrenja za korištenje uređenih korita i obala vodotoka, po mogućnosti da se isti preciziraju, zatim da se razmotri mogućnost raspisivanja javnog poziva u kojem bi bio predviđen rok za podnošenje zahtjeva a nakon čega bi svi aplikanti učestvovali po jednakim osnovama na principu licitacije u postupku izdavanja odobrenja.“
- „Komisija za drugostepeno upravno rješavanje konstatuje da je 19.10.2022. godine Gradonačelnica donijela novi Pravilnik o visini naknade i načinu plaćanja za korištenje priobalnog pojasa uređenih vodotoka broj: 01/09-11-6973/22, te da u prelaznim i završnim odredbama navedenog propisa nije sadržana odredba kojom se raniji Pravilnik koji je regulirao istu materiju stavlja van snage, te sugeriše Gradonačelnici da novi Pravilnik dopuni navedenom odredbom kako bi Komisija za drugostepeno upravno rješavanje u slučaju eventualnog postupanja po žalbama mogla da primjenjuje važeći propis, obzirom da izostanak ove odredbe čini nejasnim koji pravilnik je važeći.“
- U pogledu samog sadržaja novog Pravilnika, Komisija za drugostepeno upravno rješavanje prvenstveno napominje da isti nije analizirala temeljito, obzirom da je za isti saznala neposredno prije sjednice Komisije uvidom na zvaničnoj web stranici Grada Sarajeva, ali i površnim pregledom istog vidljivo je da nisu uzete u obzir ranije sugestije i primjedbe, pa imajući u vidu navedeno ponovo sugerišemo da se prilikom izrade pravilnika za 2023. godinu uzmu u obzir sve sugestije date na ranijim sjednicama Komisije za drugostepeno rješavanje, a koje bi ujedno i smanjile broj žalbi kojima se pobijaju prvostepena rješenja.“

PREDSJEDAVALJUĆI KOMISIJE

Tarik Kapur, s.r.

Predsjedavajući Komisije je u 15.26 sati zaključio rad 30. sjednice Komisije za drugostepeno upravno rješavanje Gradskog vijeća Grada Sarajeva.